

**www.e-rara.ch**

**Summa iuris canonici comprehensa tribus partibus**

**Strein, Johann**

**Coloniae Agrippinae, 1658**

**Zentralbibliothek Zürich**

Shelf Mark: RRr 50

Persistent Link: <http://dx.doi.org/10.3931/e-rara-31071>

[Epistola dedicatoria].

---

**www.e-rara.ch**

Die Plattform e-rara.ch macht die in Schweizer Bibliotheken vorhandenen Drucke online verfügbar. Das Spektrum reicht von Büchern über Karten bis zu illustrierten Materialien – von den Anfängen des Buchdrucks bis ins 20. Jahrhundert.

e-rara.ch provides online access to rare books available in Swiss libraries. The holdings extend from books and maps to illustrated material – from the beginnings of printing to the 20th century.

e-rara.ch met en ligne des reproductions numériques d'imprimés conservés dans les bibliothèques de Suisse. L'éventail va des livres aux documents iconographiques en passant par les cartes – des débuts de l'imprimerie jusqu'au 20e siècle.

e-rara.ch mette a disposizione in rete le edizioni antiche conservate nelle biblioteche svizzere. La collezione comprende libri, carte geografiche e materiale illustrato che risalgono agli inizi della tipografia fino ad arrivare al XX secolo.

---

**Nutzungsbedingungen** Dieses Digitalisat kann kostenfrei heruntergeladen werden. Die Lizenzierungsart und die Nutzungsbedingungen sind individuell zu jedem Dokument in den Titelinformationen angegeben. Für weitere Informationen siehe auch [Link]

**Terms of Use** This digital copy can be downloaded free of charge. The type of licensing and the terms of use are indicated in the title information for each document individually. For further information please refer to the terms of use on [Link]

**Conditions d'utilisation** Ce document numérique peut être téléchargé gratuitement. Son statut juridique et ses conditions d'utilisation sont précisés dans sa notice détaillée. Pour de plus amples informations, voir [Link]

**Condizioni di utilizzo** Questo documento può essere scaricato gratuitamente. Il tipo di licenza e le condizioni di utilizzo sono indicate nella notizia bibliografica del singolo documento. Per ulteriori informazioni vedi anche [Link]



DEDICATORIA.

*Admodum Reverendo, prænobili, & gratioso  
Domino,*

D. GEORGIO  
HENRICO  
à *Lindsberg*

ECCLESIAE MAIORIS IMPERIALIS  
BAMBERGAE

DE CANO:  
COLLEGIATÆ S. IACOBI IBIDEM  
PRÆPOSITO,  
ET CATHEDRALIS HERBIPOLENSIS  
CANONICO,

*Domino ac patrono suo semper observando.*



T corporum, & animorum, sic vitæ morumque per-  
magna dissimilitudo est, quibus formandis qui curam  
susceperint, aliq̃, atque alium sibi præfixum scopum  
intueantur, necesse est. Aliud enim Resp. aliud Ecclesia  
exigit. Vtriusque facies discolor, & forma. Civem lau-  
damus,

## DEDICATORIA.

damus, qui nemini palàm injurius est, Magistratus & legum præ se fert observantiam. At Christus Ecclesiam, nisi verè sanctam, & immaculatam non agnoscit. Parva civitas Ecclesia est, *Olympiodoro teste*, Deo militans in terra. In ea viri sancti, & electi à Deo reperiuntur. Sed optima resp. censeatur, in qua cives legem, ut supremum Dominum metuunt. In id ergo legislator politicus toto pectore incumbat, ut commodas, & salutare communi civium saluti leges præscribat, litium occasiones removeat, fomenta discordiarum tollat, quibus gliscentibus pax florere inter contribules non potest.

E converso quibus Ecclesiæ, & Christi fidelium commissa Cura est, ea præcepta, statutaque sancient, quibus animarum noxæ, delicta, & facinora evitentur, veræ, solidæque virtutes acquirantur, posthabitâ corporearum voluptatum curâ purus, & innocens animus conservetur. Ex his autem contrariis voluntatibus non possunt non magnæ oriri dissensiones. Etenim ut ad longè positas urbes diversa itinera ducunt, ita humanarum actionum non unâ præceptione obtinetur concinnitas. Vnde aliud sacris, aliud profanis legibus præfixum cernimus, & approbatum uno iure damnari altero: permitti, quod prohibetur, & prohiberi, quod permittitur, ita exigente materiæ qualitate, & præstituti finis.

Ecce tibi (ut ex multis pauca) legum civilium auctoritate, an indulgentiâ rem alienam malâ fide possidenti præscriptione termino elapso dominium traditur: *l. Sicut in rem, C. de præscr. 30. vel 40. ann. & l. Omnes, eodem.* 2. ejus, qui delatorem corrumpit, ut judicem & vindictam eluderet, in certis casibus approbatur fraudulentia: *l. fin. ff. de prævar. l. 29. ff. de iure fisci, & l. 18. C. de transact.* Licet enim cuilibet quolibet modo sanguinem suum redimere: *l. 1. ff. de bon. eor. & c. 3.* Qui emptorem suum ultra dimidium justii pretii defraudat, majus justo exigens, quasi boni civis munere perfunctus nullam poenam subit: *l. in cause, §. idem Pomponius, ff. de minor. 4.* Pater filiam, maritus uxorem in adulterio deprehensam cum adultero impunè occidit, quasi justii doloris necessitas extinguere reatum possit: *l. Patri, ff. de adult. l. Marito 24. eod.*

Horum similia multa in vasto isto legum Oceano non contraria quidem omnia juri naturali, & sacro, dissona tamen, & diversa occurrunt, quorum cognitio Iuris industrio scrutatori plurimum conducatur. Videbit enim sacrorum Canonum auctoribus longè aliam, & Iuri naturali

DEDICATORIA.

turali proximam, vel eandem semitam placuisse : nihil à sincera ratio-  
ne alienum, nihil dissonum præscribi aut permitti : non indulgere, cu-  
jus mox poenitear, non permittere, quod supplicio expiari debeat. Fecit  
civilis vitæ commoditas, amor pacis, litium detestatio, ut in quibusdam  
remitteretur asperitas. Fecit conscientiaë studium & puritas, ut à ratio-  
nis præcepto ne latum quidem unguem abiretur. Neque enim est com-  
paratio animæ salutis ad populi ac civium inter se tuendam congrega-  
tionem, cujus intuitu non pauca castigatione digna profanae leges indul-  
gent, ut commentarium hunc legenti manifestum fiet. Ex præcipuis  
quibusdam auctoribus, quæ ipsis visa sunt annotatione digna, Centurias  
aliquot certis capitibus distinctas ad Orthodoxæ Theologiae normam  
explorata in ordinem redegimus, illorum commodo, qui legere digna-  
ri fuerint. Si qui autem his minime contenti plures differentias ingenio  
& industriâ suâ erutas in medium protulerint, non tantum non succense-  
bimus, sed plurimum nos debere confitebimur, eorumque diligentia, quod  
nostræ deerat, perfectum esse gaudebimus.

TIBI autē, *gratiosissime D. n.* quæ digessi, offerenda erant, cujus cum in-  
genio virtus, cum nobilitate eruditio certat. TIBI, qui sapientiam regnis  
& infulis præferas qui præ multis æstimare, discernere, & comprehen-  
dere nôris legum sacratarum, & profanarum dissidia: qui obstruere fau-  
ces obgannientium, malevolorum possis coërcere invidiam. Non alio  
scuto opus mihi, cum TE ingenio & eloquentiâ præcellente ornatum  
Antinomix hujus sensero patronum: idque ut velint, jubeant, superi,  
oro. Bambergæ die S. Henrico Imper. sacra. Anno M. DC. LVIII.

*Admodum Rev. & prænob. D. V.*

Humillimus in Christo servus

Ioannes Streinius, S. I.